



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**De Baptismate Paschali Et Origine Ac Ritv Consecrandi  
Agnos Dei Liber**

**Panvinio, Onofrio**

**Romae, 1656**

Onvphrii Panvinii Veronen.

**urn:nbn:de:hbz:466:1-11287**

ONVPHRII PANVINII VERONEN.

Fratris Eremitæ Augustiniani, de  
Baptismate Paschali, & origine  
consecrandi

A G N O S D E I .

*ad Illustriſſ. & Reuerendiss. Dominum Alexan-  
drum Farnesiū Diaconum Cardinalem,  
Sanctæ Sedis Apostolice Vicecan-  
cellarium -*



Oleumnis & verus consuetudo  
est, pluribusq; iam sæculis in-  
Romana Ecclesia usurpata, ut  
Pontifices Maximi infra Octa-  
uam Paschatis primi anni  
Pontificatus, & deinceps se-  
ptimo quoque anno, dum in humanis agunt,  
orbes quosdam cereos candidissimos Bene-  
dicant, Consecrant, & (ut eiusdem cæremoniæ  
vocabulo vtar) Baptizent, eosque populo  
Christiano deuotissimè distribuant, qui apud  
fideles deuotionis ergo, & in multorum malo-  
rum remedia seruati sanctissimè coluntur. Hi  
è cereis Paschalibus, qui præteritis annis super-  
fuere, alia addita cera confici solebant, Agni  
imagine signati, quos vulgo Agnos Dei vocât.  
Qua cæremonia, quum nihil ferè (ut ego sen-  
tio)

tio) sit notius vulgatusq; eius tamen origo,& primordia obscura sunt,& à nemine hactenus (quod sciam) explicata. Hac idcirco ratione persuafus rem nō iniucundā omnibus pijs me facturum,atq; Christianæ antiquitatis studio-  
sis plurimū gratificaturum arbitratus sum, sū, quę de huius vulgatissimę,& pulcherrimę cō-  
fuetudinis obscura origine didici,in lucē cum clarissimi nominis tui (Alexander Card. Am-  
plissime) preſcriptione ederem,hoc preſertim tēpore, quo eos Pius Papa IV. religiosissimus & pientissimus Pontifex Benedicere,& Bapti-  
zare,more maiorum constituit. Tuo enim be-  
neficio & liberalitate, quū honestissimo mihi  
otio frui cōcessum fuerit,animus ad eiusmodi  
tractanda suaptè natura incitatus admodum  
liber est. Atque ideo sub tui nominis Amplis-  
simi patrocinio, arduam mihi quidē, sed om-  
nibus mortalibus (vt spero) vtilēm prouinciā  
assumpsi,vt historiam omnem Ecclesiasticam,  
Christianæ religionis institutę, varias consue-  
tudines,& cäremonias , ac quicquid cognitu  
dignū in Ecclesia Catholica iam inde ab Apo-  
stolorum tempestate ad nostra usque saecula  
gestum sit,quantum ratio temporum patitur,  
illustrarem;atque ea,qua à me diligentia fieri  
posset,monumētis traderem litterarū. Quæ  
omnia quū in his diu,& multū hactenus labo-  
ra-

Fauerim, propediē in publicā Christianorū omnium utilitatē me euulgaturū, diuīno numine fatus, spero, atq; etiā polliceor. Exiguū interim hoc opusculū sibi habeat diligēs ac pius Lector dū reliqua, quorū tanquā spēcimē est, adornē.

Rem igitur, cuius initia temporum iniuria obscurissima iam facta sunt, explicaturo, illud ante omnia scitu dignum animaduertere visū est, me nihil, quod huius rei apertè, & clarè mentionem faciat, hactenus inuenisse; sed quæ memoriae prodere statui, omnia ex rei ipsius ritu & his cæremonijs, quæ hoc etiam tempore in eis Baptizandis celebrantur, obseruata collegi.

Quæ omnia quum conuenire omnino antiquissimis Baptizandi Catechumenos, hoc est, qui ad Christi fidem veniebant, institutionibus demonstrauero, optima certaque conjectura, persuaderi poterit, eius rei originem, ex hac in Baptismate Christianorum vetusta obseruantia fluxisse. Hæc autē vt facilius, & accuratius ab omnibus intelligantur, operæ pretiū est, primum ea tradere, quæ apud vetustissimos nostræ religionis auctores de Baptismate, eiusq; varijs ritibus, & cæremonijs scripta inueni; deinde ea his applicare institutis, quæ nunc in horum orbis cereorū Benedictione obseruantur. Quibus perceptis, rei ipsius origo, & vnde id institutū manarit, manifestè intelligi, & cognosci poterit.

Pri;

Primum omnium satis manifestum est, Baptismatis obseruantiam sanctissimum esse Ecclesiae Sacramentum, à Domino nostro I E S V C H R I S T O ordinatum, atque ab omnibus qui eidem domina dant, suscipiendum, sine quo regnum Cœlorum ingredi nemo potest; iuxta illud Euangelicum axiomam: *Nisi quis renatus fuerit ex aqua, & Spiritu sancto, non potest introire regnum Dei.*

Baptizandi porrò, ut etiam cæterorum Ecclesiae Sacramentorum varij ritus, & consuetudines apud veteres Christianos fuerunt. Nam diversis temporibus, variatis hominum moribus & voluntatibus, multa quoque in Ecclesia mutata sunt. Principio enim sub ipsis Apostolorum temporibus omnes fere, qui regenerationis lauacro abluebantur, adulti erant, quū quotidie multi ex gentibus ad Christianam religionem confluenter: nam eo tempore ubique reperi. re erat ethnicos Christianis admixtos. Idē quoque obseruatū fuisse primis Ecclesiae post persecutiones tēpestatibus, exēplo sunt Ambrosius, & Nectarius, quorū ille ex catechumeno Mediolanensis, iste ex gentili Constantinopolitanus Episcopi ordinati sunt. Itē Beatus Pater Augustinus, senior Theodosius Imperator, & alij multi, quos iam adultos per ea tempora baptizatos fuisse constat. Dies etiam baptismatis incer-

incerti erant , neque solejni obseruantia ordinati . Quin etiam Baptisma ab omnibus conferebatur , siquidem eo tempore omnes docebant , omnesq; baptizabant quibuscumq; diebus , & temporibus se obtulisset occasio . De quibus cæremonijs , & ecclesiasticis nonnullis alijs ordinationibus , post primordia nascentis Ecclesiæ institutis , meminit Rabanus Maurus in epistola quadam ad Regembaldum , quam civitatem Burchardus Vvormatiensis libro sexto , in quo de Sacramentis loquitur , in hæc verbi : Igitur ut B. Ambrosius testatur , postquam omnibus locis Ecclesiæ sunt constitutæ , & officia ordinata , est aliter cōposita res , quam cœperat . Primùm enim omnes docebant , & omnes baptizabāt , quibuscumque diebus , & temporibus fuisset occasio . Nec enim Philippus tempus quæsiuit , aut diem , quo Eunuchum baptizaret , neque iejunium interposuit . Neque Paulus , & Silas tempus distulerunt , quo custodem carceris baptizarent cum omnibus suis . Neque Petrus Clericos habuit , aut diem quæsiuit , quando Cornelium cum omni domo sua baptizauit ; hoc fecit ipse , nec iussit fratribus , qui cum illo erant apud Cornelium in Ioppe : adhuc enim præter septem Diaconos nullus fuerat ordinatus . Ut ergo cresceret plebs , & multiplicaretur , omnibus inter initia concessū est

est & euangelizare , & baptizare , & scripturas in Ecclesia explanare . At vbi omnia loca circumplexa est Ecclesia, conuenticula constituta sunt & Rectores , & cætera officia in Ecclesijs sunt ordinata; vt nullus de Clero auderet, qui ordinatus non esset , quod sciret non sibi creditum, vel concessum , & coepit alio ordine , & proutidentia gubernari Ecclesia . In qua si omnes eadem possent , irrationabile esset , & vulgaris res , & vilissima videretur . Inde est origo, vnde nunc neque Diaconi populo prædicanter; neq; Clerici, vel Laici baptizant, neq; quocumque die credentes tinguntur, nisi egris. Ideo non per omnia conueniunt scripta Apostolica ordinationibus, quæ nunc in Ecclesia sunt, quia hæc inter initia sunt scripta , &c. Atque hactenus D.Rabanus apud Burchardum .

Baptizandi vero ritum, & rationem apud vetustissimos Christianos explicat Q. Septimius Florens Tertullianus multis locis, & primū in libro contra Praxeam prope finem , vbi de Christo loquitur: ait enim : Et post resurrectionem spondens missurū se discipulis promissionem Patris, & nouissimè mandans, vt tingerent in Patrem, Filium, & Spiritum sanctum , non in unum, nam nec semel, sed ter, ad singula nomina in personas singulas tingimur . Idem in libro de corona militis, Aquam (inquit) adituri ibi-

ibidem, sed, & aliquāto priūs in Ecclesia sūb An-  
tistitis manu contestamur nos renuntiare Dia-  
bolo, & pompa, & Angelis eius; dehinc ter mer-  
gimur, amplius aliquid respondentes, quām  
Dominus in euangelio determinauit. Inde su-  
cepti, lactis, ac mellis concordia prægustamus,  
exquē ea die lauacro quotidiano per totā heb-  
domadā abstinemus. Rursus in primo libro  
aduersus Marcionem Ponticum hæresiarcham  
idem his verbis refert: Sed ille quidem usque  
nunc nec aquam reprobauit Creatoris, qua  
suos abluit; nec oleū, quo suos vngit; nec mel-  
lis, & lactis societatem, qua suos infantat. De  
quibus cæremonijs meminerunt etiam alij ve-  
teres Scriptores.

Contestationis enim, qua Christiani diabo-  
lo, & pompa, & angelis eius renunciabant, plu-  
ribus in locis mentionē facit S. Hieronymus, &  
præsertim in epistola ad Rusticum, quā ad Oc-  
cidentem versos facere consuetudinem fuisse  
scribit. Interpres quoque Dionysij de Ecclesia-  
stica Hierarchia: Deinde (inquit) Occidentem  
versus illum statuens, intendentem manus ad  
eamdem regionem conuersas, insufflare illum-  
ter Satanam iubet, & præterea abrenuntia-  
tionem profiteri. Idq; sequenti capite exponens  
docet impulsione manuum Baptizandum ob-  
scuræ militiæ consortia renuere, & exsufflare.

Hæc

Hæc ipsa referunt B.Ioannes Chrysostomus in homilia Adami, & Euæ, & super quintumdecimū caput epistolæ prioris ad Corinthios: Item S.Augustinus in sermone secundi diei Paschatis, in libris Symboli, de Dogmatibus Ecclesiasticis, & postremo in epistola ad Sixtum presbyterum S.R.E.finem versus. Vnctionem verò ex sacro oleo idem Dionysius in libro de Ecclesiastica Hierarchia profitetur, qui eam in baptismate usurpari à sanctis Apostolis ex Christi mandato institutum esse affirmat: quod etiā Adamantius Origenes homilia vij. super Ezechielem recitat, & beatissimus martyr Cyprianus in Epistola ad Antonianum, Rogatianū, & Honoratū Episcopos. Vngi(inquit)necesse est eum, qui Baptizatus sit, vt accepto Chrismate, idest vunctione sanctus Dei, habere in se Christi gratiam possit. Idem Concilia Laodicenū capite xlxi. & Arausicanum capite primo obseruari constituerunt. Cæremonia porrò lactis, & mellis ex veteri instrumento assumpta est, in quo subinde mentio fit terræ fluentis lacte, & melle: & ex loco Esaiæ, Butyrum, & mel comedet. Lac enim infantibus conuenit, quibus assimilantur recensBaptizati. In occidentis vero Ecclesia, de nouo baptizatis vinum, & lac dare veteres confueisse, refert S. Hieronymus in libro aduersum Luciferianos, & in commentarijs in

in Esaiam , vbi locum illum explicat : Venite,  
 emite absque argento , & vlla commutatione  
 vinum, & lac , nempe his verbis de Christo lo-  
 quens . Quod(inquit) vinum miscuit sapientia  
 in cratere suo , omnes stultos saceruli , mudiique  
 sapientiam non habentes prouocans ad biben-  
 dum, vt non solum vinum emamus , sed & lac ,  
 quod significat innocentiam parvulorum. Qui  
 mos ac typus in Occidētis Ecclesijs hodie usq;  
 seruatur, vt renatis in Christo vinum, lacq; tri-  
 buatur. Quod autem Tertullianus scripsit, lac, &  
 mel solita fuisse Baptizatis suo tempore dari,  
 forte S.Hieronymi saeculo in vinum, & lac co-  
 uerterat consuetudo. Ad haec Dionysius, quem  
 supra citavi , refert sacerdotem Catechumeno-  
 rum nomina sigillatim rogare solitum ; & eos  
 omnes ante Baptismū nomina dedisse, quæ scri-  
 pto notabantur . Et adiicit : Baptizatis statim  
 Corpus Christi tradi , ipsosq. Chrismate vngi  
 solitos. Fuit etiam usus in primitua Ecclesia sal  
 benedictum ori Baptizandorum apponi, vt re-  
 fert Origenes homilia v.i. super Ezechielē, vbi  
 etiam Catechumenos hortatur , vt se præparēt  
 sal Christi fieri. S. Ambrosius in libro de ijs , qui  
 mysterijs initiantur, cōmemorat, nasum, auresq.  
 Baptizandorum Sacerdotes tāgere cōsueuisse.  
 Quarum omnium cæmoniarum vir sanctus  
 Eusebius Emesenus in Homilijs Paschalibus frē

B quen-

quenter mentionem facit. Sed quando tot iam  
cōsuetudinum meminerim, quæ in Baptismate  
fiebant, cur nō etiam illas apponam, quæ apud  
Burchardū Vvormatiensem in sexto libro, qui  
de Sacramentis Ecclesiæ tractat, notatæ sunt,  
præsertim quum sint cognitu dignissimæ? Sic  
autē illic legitur: In illo officio primū Paga-  
nus Catechumenus fit accedēs ad Baptismū, vt  
renunciet maligno spiritui, & omnibus damno-  
sis eius pompis. Exsufflatur etiam, vt fugato  
Diabolo, Christo Domino nostro paretur in-  
troitus. Exorcizatur, id est cōiuratur malignus  
spiritus, vt exeat & recedat dās locū Deo vero.  
Accipit Catechumenus sal, vt putrida, & fluxa  
eius peccata sapientiæ sale diuino munere mū-  
dentur. Deinde Symboli Apostolici traditur ei  
fides, vt vacua domus, & à prisco habitatore  
derelicta fide arnetur, & vt præparetur habita-  
tio Deo. Tum fiunt scrutinia, vt exploretur  
certius, an post renunciationem Sathanæ sacra  
verba datæ fidei radicibus corde defixerit. Tan-  
guntur & nares, vt quamdiu spiritum naribus  
trahat, in fide acceptā perduret. Pectus quo-  
que eodem perungitur oleo, vt signo Sanctæ  
Crucis Diabolo claudatur ingressus: signantur  
& scapulæ, vt vndique muniatur. Item in pe-  
ctoris, & scapulæ vñctione significatur fidei fir-  
mitas, & operum bonorum perseverantia. Et

sic

sic in nomine Sanctæ Trinitatis trina submersione baptizatur, & certè homo, qui ad imaginem Sanctæ Trinitatis creatus est, ad eādem renouatur imaginē, & qui tertio gradu peccati, id est consensu, cecidit in mortem, tertio levatus à fonte, per gratiā surgit ad vitam. Tum albis induitur vestimentis propter gaudium regenerationis, ad castitatem vitæ, & Angelici splendoris decorem. Tum sacro Chrismate caput perūgitur, & mystico tegitur velamine, ut intelligat se diadema regni Sacerdotij dignitatem portare, iuxta Apostolum; *Vos estis genus regale, & Sacerdotale, offerentes vosmetipsoſ Deo viuo hostiam sanctam, & Deo placentem.* Sic corpore & sanguine Domini cōfirmatur, ut illius sit capitum membrum, qui pro nobis passus est, & resurrexit. Nouissimè per impositionem manus à summo Sacerdote septiformis gratiæ spiritum accipit, ut roboretur per Spiritum Sanctum ad prædicandum alijs, qui fuit in Baptismo per gratiam vita donatus æterna, &c.

Baptismi autem dies, quos Apostolorū saeculo, incertos, & varios fuisse iam demonstrauit, certis quibusdam, & statis temporibus, id est bis in anno postea firmatos fuisse à Sanctis Patribus auctor est, quem supra citauit D. Rabanus. Neq. (inquit) quocumq; die credentes tinguntur, nisi ægri. Tempus autem Baptizandi erat Pascha

potissimum , & Pentecoste cum sex diebus se-  
quētibus. Qui mos antiquissimus fuit. S.Sylue-  
ster Papa in Synodo Romana CCXXCIV. Epi-  
scoporum, canone xii. ait: Baptismū prædicant-  
tes dare omnibus infirmis, sanis autē, sicut veri-  
tas commonet, in Pascha, & Pentecoste. Siricius  
Papa epist. i.ad Himerium cap. 2. Sequitur (in-  
quit) de diuersis Baptizandorū temporibus pro-  
ut vnicuiq; libitū fuerit improbabilis , & emen-  
danda confusio, quæ à nostris confessoribus  
nō ratione auctoritatis alicuius , sed sola teme-  
ritate præsumitur , vt passim ac liberè natalitijs  
Christi, seu Apparitionis, nec nō & Apostolorū  
seu Martyrum festiuitatibus innumeræ (vt asse-  
ris) plebes Baptismi mysterium consequantur,  
quām hoc sibi priuilegiū, & apud nos, & apud  
omnes Ecclesias Dominicum specialiter cum  
Pētecoste sua Pascha defendat, quibus solis per  
annum diebus ad fidem cōfluentibus generalia  
Baptismatis tradi cōuenit Sacra menta ; his dū-  
taxat exceptis, qui ante quadraginta vele eo am-  
plus dies nomē dederint, & exorcismis, quoti-  
dianisq; orationibus, atque ieiunijs fuerint ex-  
piati, quatenus Apostolica illa impleatur præ-  
ceptio, vt expurgato fermēto veteri noua inci-  
piat esse conspersio. Sicut sacram ergo pascha-  
lem reuerentiam in nullo dicimus esse minuē-  
dam, ita infantibus, qui nondum potuerint lo-  
qui

qui per ætatem, vel his, quibus in qualibet necessitate opus fuerit, sacri vnda Baptismatis omni volumus celeritate succurri, ne ad nostrarum perniciem tendat animarum, si negato desiderantibus fonte salutari, exiens unusquisque de sæculo, & regnum perdat, & vitam, &c. Itē Gelasius Papa epist. prima Episcopis per Lucaniām, Bruttios, & Siciliām constitutis cap. XI I. Baptizandi sibi quispiam passim quocumque tempore nullam credat inesse fiduciam, præter Paschale festum, & Pentecostes venerabile Sacramentum, excepto dumtaxat grauissimi languoris incursu, in quo verendum est, ne morbi crescente periculo, sine remedio salutari fortassis ægrotas exitio præuentus excedat. Gerundense quoque Concilium can. iv. Catechumeni in Paschæ solemnitate, vel Pentecostes, ad Baptismum veniant; cæteris solemnitatibus infirmi tantum debent baptizari, qui quocumq. tempore sunt baptizandi. Idem refert Concilium Matisonense secundum canone III.

Eadem quoque consuetudo per tempora Caroli Magni, & Hudouici Pij Imperatorum seruata est. Extant enim leges ab illis sancitæ, quibus cauetur, ne quemquam Sacerdotes baptizet, excepto mortis articulo, præterquam in Pascha, & Pentecoste. Eas sanctiones complectitur volumen Legum Regis Pipini, Caroli

B 3 Ma.

Magni, Hludouici Pij, & Hlotharij Augustorum, quas Ansegisus Abbas collegit, & nunc etiam circumferuntur.

Quum autem antiquitus non nisi adultos baptizari mos fuisset, consuetudo postea inuauit, & quidem ob iustas causas, ut infantes quoque sancto lauacro abluerentur. Eos tamen nō nisi in Paschate, aut Pentecoste tingi mos diutinus in multis Ecclesijs fuit, & per longa tempora obseruatus, hac scilicet ratione, ut infantes post Pascha nati ad Baptismum Pentecostes reseruarentur, & nati post Pentecosten proximo Paschali festo (excepta necessitate baptizandi) vna cum adultis Catechumenis, qui ex externis nationibus ad Christi fidem continuo confluabant, Sacerdotibus offerrentur. Quod verò de infatibus Baptizandis dictum est, libri rituales, quos Agēdas vulgo vocant, apertè testantur, dum indicant, quo ordine infantium Baiuli, vna cum susceptoribus suis stare debeat. Nec me latet in multis Ecclesijs, & forte ex Papæ Siricij constitutione, quam paulo ante ciuitati, infantes quocumque anni tempore (quod etiam nūc in vsu est) ut parentibus libebat, tungi solitos, idque propter multa pericula, quibus ea ætas subiacet. Qua ratione factum est, ut cōsuetudo baptizandi in Pascha, & Pentecoste nostris temporibus omnino antiquata sit, quum ho-

hodie pauci omnino sint Catechumeni, qui ille  
lis diebus baptizandi essent, & pueri siue infan-  
tes quocumque anni tempore baptizentur.

Nec mirum esse debet si cæremoniæ secun-  
dum Ecclesiarum, & Regionum diuersitatem  
varient, quum suas consuetudines habuerit  
Oriens, quemadmodum constat ex Diony-  
sio, suas quoque habuerit Occidens.

Vt etiam multis coniecturis assequi potui,  
priscis temporibus vnicum tantum lauacrum,  
siue Baptisteriū in singulis vrribus erat, idque  
propè maius ciuitatis templum, quod matrem  
Ecclesiam vulgo vocant, fabricatum, quemad-  
modum nūc est Bononiæ, Florentiæ, Parmæ, &  
alibi, in quo vno tingebantur pueri, iuuenes, se-  
nes, dñuites, & pauperes, serui, & liberi, viri, &  
mulieres. Vnde Gregorius Nazianenus in ora-  
tione de Baptismo obiurgat opulētos, quos pu-  
debat cum pauperibus simul tingi. Romæ quo-  
que elegās lauacrum, siue Baptisterium adhuc  
extat omnibus suis ornamentis (quæ multa, &  
ingentia fuere) nūc expoliatum. Quod Sanctus  
Sylvester Papa ex cōcessione Imp. Cæsaris Cō-  
stātini Augusti, Laterani prope maiorem Vrbis  
Basilicam, quæ Constantiniana appellatur, ex-  
truxit, & maximis donis, & ornamentis, quæ  
idem Imperator Cōstantinus ipsi Sancto Pon-  
tifici donauerat, decorauit; quæ oīa ab Anasta-

B 4 sio

sio S.R.E.Bibliothecario in libro, quem de Romanis Pontificibus scriptum reliquit, in vita S. Sylvestri enumerantur; Vulgo nunc dicitur lauacrum Constantini, vel S.Ioannis in Fonte; in eo extant octo columnæ Porphyreticæ, quas quum ad loci ornatum Imperator Constantinus contulisset, ibidemque extra opus intactas reliquisset, eas postea, ut idem Bibliothecarius auctot est, Sixtus Papa III. additis marmoreis Epistylis in eam, quā nunc cernimus octāgulam formā erexit, versibusque Epistylis incisis ornauit, quos iam exolescentes, & carie, temporeque fere consumptos, admotis scalis sexennio ante quanta potui diligentia collegi, eosque ne perirent, & quoniam digni visi sunt, qui hic ponantur, quum multa quæ dixi, illis declarari, vel confirmari possint, subieci. sunt autem hi :

Gens sacranda polis, hic semine nascitur almo ;  
 Quam fœundatis Spiritus edit aquis ;  
 Virgineo fœtus genetrix Ecclesia natos ,  
 Quos spirante Deo concipit, amne parit ;  
 Cœlorum regnum sperate hoc fonte renati ,  
 Non recipit felix vita semel genitos ;  
 Fons hic est vita, & qui totum diluit orbem  
 Sumens de Christi vulnere principium ;  
 Mergens peccator sacro purgande fluento ;  
 Quem veterem accipiet, proferet unda nouum ;  
 Insens esse volens isto mundare laudatio ,  
 Seu patris premeris crimine, seu proprio

Nub.

Nulla renascentum est distantia, quos facit unus :

Vnus fons, unus spiritus, una fides ;

Nec numerus quemquam scelerum, nec forma suorum

Terreat, hoc natus flumine sanctus crit.

Hæc autem animaduersa maximam lucem afferunt ad intelligendas cæremonias, & Cantica, Missarumq; mysteria, quibus adhuc in Quadragesima, & Paschalibus ferijs nostra Santa Ecclesia vtitur.

Quum enim (vt dixi) Baptismatis Sacramento dies Paschalis præcipue destinatus fuisset: ex veteri obseruatiâ, quam ex Siricio Papa paulo ante citaui, necesse erat, vt ad Christianam pietatem conuersi, qui tunc credentes dicebantur, ad minus quadraginta diebus ante Baptismum Christo nomen darent; hoc est, se Episcopo, vel Sacerdotibus præsertarent, nomina sua profiterentur, Baptismaq; peterent. Is dies erat primæ Dominicæ in Quadragesima, qui quadragesimus est ante Dominicam Paschalem, in quo antiquis temporibus eiusdem sanctissimæ Quadragesimalis obseruationis initium erat; quatuor enim dies, qui nunc pari obseruantia ante primam Dominicam Quadragesimæ colluntur, ipsi Quadragesimali sacro à Gregorio XI. additi sunt, quos etiam, vt non ex antiquis obseruantia, Ecclesia Mediolanensis hactenus non agnouit. Dominica igitur prima in Quadragesima introducebantur credentes in Ecclesi-

cle,

clesiam ut catechizarentur, quo die eis legebatur Euangelium, in quo Christi quadraginta dierum iejunium, & à Diabolo tentatio referuntur, innuētes illud veteris Instrumenti scriptum; Fili acccedēs ad seruitutem Dei præpara animam tuam ad temptationem. Tunc Exorcismis, quotidianisq; orationibus, atque ieunijs, ut refert papa Siricius, expiabantur, singulis que illis diebus lectioне sancti Euangeliј explicata per ministros Ecclesiæ instructi, Catechumeni post dicebantur. Hinc ego Quadragesimalium concionum, ieuniorum, & cætrarum illius temporis obseruationum originē manasse crediderim, quæ certè nō nisi ex Apostolorum traditione institutæ sunt. Extat canon LXXXV. Concilij quarti Carthaginensis, quo iubetur, ut Baptizandi prius nomen suum dent; & diu sub abstinentia vini, & carnium, ac manus impositione & crebra examinatione Baptismum percipient. Extat & aliud decretum Concilij Laodiceni canone XLIV. ne post duas hebdomadas Quadragesimæ, quisquam amplius ad Baptisma suscipie eo anno possit. Concilium quoque Bracharen secundum cap. IX. de Catechumenis loquens. Præcipiant (inquit) Sacerdotes eos Quadragesimæ ieunijs seruire. Dominica vero tertia Quadragesimæ, qua cantatur euangelium de muto, qui à dæmone

qb-

obsessus, à Christo liberatus fuerat, pueri & Catechumeni exorcizabantur, ut iubet idem Concilij Bracharensis secundi canon.

Sabbato autem, qui est ante Dominicā Palmarum, in quo cātatur Introitus; Miserere mihi Domine, &c. Sacerdotes Catechumenis iam instructis Symbolum Apostolorum discendum tradebāt; quare is dies hactenus appellatur Sabbathum in traditione Symboli, quemadmodum ex antiquissimo libro Rituali constat. Huius porro rei extant canonē X I I. Concilij Agathen. XLVI. Laodiceni, & Trulli LXXIX. Aucte octo ( inquit ) dies Dominicæ Resurrectionis Symbolum prædicatur, quod postea ex decreto Concilij Laodiceni canone XLVI. feria V. in Coena Domini, Episcopo, vel Presbyteris recitabant. Nec quicquam aliud sonant Introitus, Collectæ, Lectiones, & Euangelia Missarum Quadragesimalium, quam huismodi obseruantias, & præsertim Collecta Sabbati ante Palmas, quod dicitur in traditione Symboli, quæ eiusmodi est. Proficiat ( quæsumus Domine ) plebs tibi dicata piæ devotionis affectu: ut sacrī actionibus eruditā quanto maiestate tuæ, sit gratior, tanto donis potioribus augeatār. Sabbato autem sancto Paschæ primo benedicebatur fons nouus Baptismatis, Chrismatisque noui oleum infudebatur ( quo i etiam

etiam hodie institutum permansit. Ad Baptisma, quod proxima hebdomada fieri consuerat, celebrandum, Catechumeni quoque dum Missa eius diei celebratur, Ecclesiam ingressi, ante Episcopum alta voce Alleluia canebant; quem ritum nunc, & sancta Romana Ecclesia seruat: Nam Sabbato sancto post lectam Epistolam Missæ, Subdiaconus Apostolicus procedit ante Pontificem, & stans alta voce dicit: Pater sancte, Annuntio vobis gaudium magnum, quod est Alleluia.

In die vero sancto paschatis, qui Resurrectioni Dominicæ speciatim dicatus est, qua sancta fides nostra, nouissimum suæ perfectionis finem accepit, Sacerdotes Baptismatis Sacramentum plebi Dei, Catechumenis scilicet, conferre incipiebant, idque persequabantur sex diebus sequentibus: quod etiam indicant ipsa Missarum, & Officiorum Paschalium solemnia; qualia sunt; Hymnus, Rex Sanctorum Domine. Oratio Sabbati Sancti. Deus cuius antiqua mirabilia etiam nostris saeculis coruscare sentimus, dum quod vni populo, a persequitione Aegyptiaca liberando, dexteræ tuæ potentia contulisti, id in salutem gentium, per aquam regenerationis operaris. Item Responsorium diei Paschæ. Vidi aquam egredientem de templo à latere dextro & omnes,

ad

ad quos peruenit aqua ista , salvi facti sunt.  
infra Canonem; Hanc igitur oblationē seruitū:  
tis nostrę , sed & cunctę familię tuę, quam tibi  
offerimus, pro his quos regenerare dignatus es  
ex aqua & Spiritu sancto, tribuēs eis remissio-  
nem omniū peccatorum . Oratio ferię ij. Deus  
qui solemnitate Paschali mundo remedia con-  
tulisti, Introitus ferię iij. Aqua sapientię pota-  
nit eos . & huius diei Oratio . Deus qui Eccle-  
siam tuam semper gentiū vocatione (alias) no-  
uo semper fœtu multiplicas. Introitus ferię iiiij.  
Venite benedicti Patris mei. Introitus ferię v.  
Victricem manum tuam Domine laudauerunt  
pariter , quia sapientia aperuit os mutum , &  
linguas infantiū fecit disertas. Et eius diei Ora-  
tio . Deus qui diuersitatem gentium in confes-  
sione tui nominis Baptismate renouasti, ut sē-  
piternam beatitudinē consequantur. Introitus  
ferię vi. Eduxit eos Dominus in spe . Secreta.  
Hostias quæsumus Domine placatus assume,  
quas & pro renatorū expiatione peccati defe-  
rimus, & pro acceleratione cœlestis auxilii &c.

Ad antiquam vero lactis , & mellis ceremo-  
niam, de qua supra verba feci, alludit Introitus  
ferię ij. Introduxit vos Dominus in terrā fluētē  
lac & mel, ut lex Dñi semper sit in ore vestro:

*Dominica in Albis cur ita dicatur.*

Hebdomada autem Paschalis, in qua Baptismi  
Sacra-

Sacramentum conferebatur, in Albis dicebatur, ab albis vestibus quibus in duebantur recēs Baptizati: verū nostris temporibus hoc sibi tātum cognomen retinuit Sabbathum infra octauam Paschæ, quo omnes qui Baptisma per eam hebdomadam suscepérāt, albis vestibus amicti, simul cōueniebant ad Ecclesiam: quod innuit Hymnus, qui eo die cātatur, Ad cœnam Agni prouidi, & stolis albis candidi, post transitum maris rubri Christo canamus Principi &c. hāc autē ob causam albis vestibus in duebātur Bap. tizati, quo meminissent se iam manumissos, & e seruis, ac mancipijs diaboli libertos factos Iesu Christi. Nam Tertullianus libro, qui inscribitur de Resurrectione carnis ordine re. censens manumissionis insignia, albam quoq; vestē adnumerat. Si famulū tuū (inquit) liber. tate mutaueris, & vestis albe nitore & annuli aurei honore, & patroni nomine, ac tribu mensaque honoratur.

Color quoque albus innocentiae prēcipue conuenit. Eius quoque rei meminit Burchardus, quem supra citauī, & Honoratus Venantius Fortunatus in carmine, cui initium est Salve festa dies etc. vbi ait.

Rex sacer ecce tui properat pars magna tropbæi,  
Quām puras animas pura lauaca beant;  
Candidus egreditur nitidis exercitus undis  
Aiquæ vesus vitium purgas in amne novo;

Ful.

*Fulgentes animas vestis quoque candida signat  
Et grege de nuce gaudi Pascha habet;*

Baptizatis autem albis indutis Sabbato post Pascha ad Ecclesiam conuenientibus. Alleluia cantantibus Sacerdos Missam celebraturus, Introitum Missæ illi rei congruentem legebat. Eduxit Dominus populum suum in exultatione; & electos suos in letitia, eisque illam Beati Petri epistole partem recitabat, que etiam hodie legitur, et sic incipit; Charissimi, deponentes omnem malitiam, et omnem dolum, et simulationes et inuidias et omnes detractiones, sicut modo geniti infantes, etc. et paulo post. Vos autem genus electū, regale sacerdotium, gens sancta, populus acquisitionis; ut virtutes eius annuncietis, qui de tenebris vos vocavit in admirabile lumen suum etc. Dominica vero in octaua Paschæ, que in Albis depositis dicebatur, mane antequam albas vestes deparent, adhuc albis vestiti ad Ecclesiam confluebant, quibus Sacerdotes Missā decantabant regilli maximè appositam, sic enim Introitus incipit; Quasi modo geniti infantes rationabile, si ne dolo lac concupiscite etc. et epistolam Ioannis; Charissimi, omne quod natum est ex Deo vincit mundum; et hec est victoria que vincit mundum, fides nostra. Quis est autem qui vincit mundum, nisi qui credit quoniā IESVS est.

Filius

Filius Dei? Hic est qui venit per aquam et san-  
guinem IESVS CHRISTVS . Item Euan-  
gelij lectionem ex S. Ioanne , de apparitione  
Christi resuscitati, et Thomæ incredulitate, vbi  
postea concluditur; Beati qui non viderunt et  
crediderunt etc. et paulo post ; Hęc autem  
scripta sūt, vt credatis quia IESVS CHRISTVS  
est Filius Dei, vt credentes vitā habeatis, in no-  
mine eius. Sicut itaque in pręcedentibus die-  
bus quibus baptizabantur, multoties aquæ et  
regenerationis mētio est; sic hōc die in Officio  
Missæ post adeptum Baptisma, non nisi fides, fi-  
des , fides inculcatur , et in fide perseuerantia.  
Finita verò Missa & sacra concione, omnes Ba-  
ptizati dōmos reuertebātur proprias, vestesq;  
albas exuibāt, à quibus hęc dies Dominica in  
Albis depositis dicitur. Hęc autem omnia plu-  
ribus forte, quā par erat, verbis explicauit, quod  
feci , vt & res apertiūs cognosceretur, a qua  
consuetudo benedicendi Agnos Dei manauit  
de qua paulo post sum tractaturus ; et nę tam  
digna mysteria obscura iam facta ignorentur,  
simulq; vt ostenderem totam Paschalem heb-  
domadam à veteribus suis feriendo ex Ponti-  
ficium decretis transactam; quod etiā pręcipiūt  
Imperatores Carolus Magnus, et Hludouicus  
Pius Augusti in legibus suis, quas supra citauit in  
capite de Feriaq; observatione . His finitis  
ante.

antequā ad explicationē benedictionis Agno.  
rū Dei deueniā, libet Pontij Paulini versus su-  
būcere, quibus describit Baptismū, sunt autē hi

*Inde parens sacro ducit de fonte sacerdos  
Infantes niueos, corpore, corde, habitu;  
Circundatq; rudes festis altaribus agnos,  
Pura salutiferis imbuit ora cibis;  
Hinc senior sociæ congaudet turba cateruæ,  
Alleluia nouis balat ouile choris.*

His igitur auctoritatibus satis confirmatum  
esse existimo solemne baptisma in Paschate et  
Pentecoste fieri solitum. Quum igitur ob eam  
quam supra dixi rationem hęc baptizandi con-  
suetudo paulatim obsolesceret, Romani Ponti-  
fices, ne antiquæ & pulcherrimæ cæremoniæ  
memoria omnino laberetur in eius consuetu-  
dinis memoriam, horum Agnorum Dei be-  
nedictionem instituerunt. Quibus benedi-  
cendis, omnia fere ea peragunt, quæ veteres sa-  
cerdotes Carhecumenis baptizatis facere so-  
lebant. Nulla enim vñquam fuit Ecclesia, quę  
dignioribus significationibus, & typis myste-  
ria sua consignarit, quam Romana. Quæ  
omnia ut clarius intelligentur, præcipua  
quędam subjcere placuit, quibus Romani  
Pontifices vtuntur in his Agnis Dei consecrā  
dis, quæ antiquæ baptizandi Catechumenos  
institutioni conuenire omnino demonstrabo.  
Ac primum de eorundem formatione verbæ

C fa-

faciam , quæ non eadem ratione antiquitus  
 cum ea , quæ nostris temporibus usurpatur ,  
 fuit . Olim enim cera alba pura , ex qua for-  
 marentur , parata erat per Magistrum ceræ  
 Palatij Apostolici , & per eos , qui pro se Agnos  
 Dei volebant , ponebaturque prius su-  
 per altare B. Petri , quam deinceps Subdia-  
 conus quispiam Apostolicus de altari acci-  
 piens ad Pontificis Palatum deferebat , ubi lo-  
 co idoneo , ex ea ipse cum alijs Subdiaconis  
 & Acolythis Papæ manibus proprijs forma-  
 bant Agnos Dei magna cum deuotione , & re-  
 uerentia aliquibus necessaria subministranti-  
 bus , ceram autem mollificabant cum Oleo  
 sancto , & Chrismatis , quod super fuerat ex an-  
 no præterito . deinde Papæ præsentati ab eo  
 benedicebantur , quæ omnia Pont. expensis fie-  
 bant . Hoc vero tempore repaululum immu-  
 tata , Sacrista Papæ cum suis Capellanis , &  
 Clericis Capellæ format ipsos Agnos Dei ex  
 Cereo Paschali anni præteriti , & cera aliun-  
 de Papæ expensis allata , illisque non miscetur  
 amplius Oleum sanctum , nec Chrismatis , sed  
 puri , & mundi Papæ præsentantur in cubicu-  
 lo suo , qui ( vt nunc est consuetudo ) feria V.  
 infra Octauam Paschæ post auditam , vel di-  
 ctam Missam in sua priuata ædicula indutus  
 Ponti calibus vestibus eos hac ratione bene-  
 di-

dicit; Primū enim benedicit aquā simplicē, quę  
ibidē in vaso magno parata est, benedictione  
communi, quæ passim diebus Dominicis vsur-  
patur, deinde aliam adjicit orationem, post  
in eam infundit Balsamum, & sanctum Chris-  
ma ex duabus ampullis in formam Crucis, di-  
cens verba Benedictionibus, & Consecratio-  
nibus apposita, addito in fine, In nomine  
Patris & Filij & Spiritus sancti. Amen. Be-  
nedicta & consecrata aqua aliquot orationes  
dicit super Agnos Dei, qui ibidē etiā in capsis  
parati sunt, quibus Benedictis, Pontifex ac-  
cinctus linteo mitratus sedet apud vas aquæ.  
Et cubicularijs ad eum portant Agnos Dei in  
peluibus argenteis, quos Papa immergit in  
aquam & prælati astantes eos extrahunt, &  
in eisdem peluibus portantur super mensas  
mappis candidissimis præparatas, ut siccentur  
Quibus gestis Papa super eos rursum alias ora-  
tiones dicens, ipsos iterum benedicit. Qui-  
bus finitis reponuntur Agni Dei in capsis us-  
que ad Sabbatum in Albis, qui post dictum  
Agnus Dei illius missæ poste à distribuuntur.  
Orationes autem ipsas, siue eorum benedi-  
ctiones, quæ multæ, & longæ sunt, idcirco non  
posui, quod omnibus facile est eas in Libro Cæ-  
remoniarum S.R.E. videre. Sabbato igitur in-

C 2

Al.

Albis dicto, Agnus Dei, Missa diei in Capella Papæ à Presbytero Cardinali celebratur. Pontifici sedenti Subdiaconus quispiam Apostolicus sacris vestibus indutus, Crucem cum duobus Ceroferarijs & Thuriferario cum Thuribulo fumiganti præcedentibus, defert lancem plenam Agnis Dei bombyce inuolutis à Sacrista acceptam, quumque fuerit infra ostium Capellæ, genuflexus alta voce dicit. Pater Sancte, isti sunt Agni nouelli, qui annuntia uerunt vobis Alleluia, modo venerunt ad fontes, repleti sunt claritate Alleluia, Cantores tunc alta voce respondent, Deo gratias, Alleluia. Hoc idem iterum, & tertio facit idem Subdiaconus, eosque Pontifici præsentat craterem ipsum manibus tenēs, qui statim ab ipso Papa omnibus Cardinalibus primū, deinde Prælatis, & alijs minorum ordinum per ordinem distribuuntur, incipiēdo à dignioribus, qui maxima cum reuerentia, & deuotio reueunt eos à Pontifice genuflexi accipiunt in Mitris, vel capitijs suis, ne eos manibus attrectent. Finita distributione Papa lotis manibus, reliquum Missæ audit, & ea finita in Palatum reuertitur. Tunc vero ab aliquibus Pontificis familiaribus, quibus id demandatum fuerit, omnibus fidelibus distribuuntur, à quibus in Lararijs suis sanctissime fer-

seruātur. Atque hæc est summa huius cæremo-  
niæ, quam antiquæ baptizandi consuetudini  
conuenire his rationibus constat. Ante om-  
nia enim hæc Agnorum Dei benedictio, bap-  
tizatio appellari solet, quemadmodum & Ca-  
techumenorum baptismus dicebatur, non  
celebratur nisi infra Octauam Paschæ, ut olim  
baptismus: illa deinde verba: *Isti sunt agni*  
*nouelli, qui annuntiauerunt vobis Alleluia*  
&c. alludunt ad antiquam cæremoniam, qua  
Catechumeni coram Episcopo, *Alleluia in*  
Ecclesia cantabant: dicuntur agni, ut etiam  
Catechumeni, nam agnus est omnium anima-  
lium mitissimus, ut debent esse fideles. Hoc  
autem habes apud Pontium Paulinum his  
versibus; quos etiam supra citavi.

*Circundatque rudes festis altaribus agnos, itemq.*

*Alleluia nouis balat ouile chorus:*

Hic autem typus illius veteris baptizandi  
in Pascha consuetudinis ideo in his orbibus  
cereis benedicendis potissimum remansit, ut  
opinor quod his, qui antiquitus in Pascha  
baptizabantur, dabatur Bulla cerea candidis-  
sima cum imagine agni, quæ è collo ante pe-  
ctus pendebat, ea confecta erat ex Chrisma-  
te, Oleo sancto, Cereis Paschalibus, & reli-  
quis sacris, quæ superfuerant ex anno præteri-  
to, quando omnia ptoxima ante Pascha heb-

C 3 do.

domada renouata erant. Bulla autem erat triumphantium , & ingenuorum puerorum insigne : nam sicut per vestem candidam eos è seruis Diaboli libertos factos IESV Christi significabatur ; ita per hanc Bullam , qua antiquitùs apud Gentiles tantum triumphantibus , & pueris ingenuis vti permisum erat, demostrabatur eos ingenuos , & ciues factos esse Paradisi , & de Diabolo triumphatores , agni autem imagine signabantur propter mitem , & humanam eius naturam, vt cognoscerent se tanquam agnos esse debere mites , & in omnibus patientes . Hæc autem ex antiquis Ritualibus , vel Cæremonialibus libris Romano , & Burchardi extracta sunt . De Bulla triumphantium, & ingenuitatis signo , vide multa apud Macrobius libro primo Saturnalium . Eiusmodi autem benedictio ideo non singulis annis celebratur, quod ad antiquæ consuetudinis memoriam retinendam visum est Sanctis Patribus satis sufficere, si singulo septennio fieret; vel vt ob eorumdem raritatem, maiori in pretio, & veneratione apud fideles essent Processu temporis hominum pia credulitas , & sancta religio multa his Agnis Dei consecratis, & miranda attribuit, quæ postea comperta, & re ipsa comprobata maiorem ipsis venerationem attulere . Sanè extant versus

sus

sus Urbani Papæ V. ad Imp. Constantinopolitanum cum his Agnis Dei missi ; quibus miracula , & commoda , quæ Deus Optimus Max. Christianis continuo concedit per horū cereorum venerationem , continentur , qui sunt hi .


Balsamus , & cera munda cum chrismatis vnde  
Conficiunt Agnum , quod munus do tibi magnum ,  
Fonte velut natum , per mystica sanctificatum ,  
Fulgura de sursum depellit , & omne malignum ,  
Peccatum frangit ut Christi sanguis , & angit ,  
Prægnans seruatur , à vœ partus liberatur ,  
Dona parat dignis , virtutem destruit ignis ,  
Portatus mundè de fluctibus eripit vnde .

Hec eadem eleganti & erudito carmine  
explicauit Janus Vitalis poëta celebris , cuius  
exemplum , quod dignum est visum , ut hoc lo-  
co apponeretur , sequens est .

Candida cera Dei , diuini ope numinis Agnos  
Agnos nouellos conficit ,  
Adduntur succo mox Balsama pinguis oliui ,  
Et lympha puri gurgitis ,  
Conceptis verbis , arcano & munere sacras  
Romanus illos Pontifex ,  
Et quia designant nobis mysteria summi  
Agni polorum Principis ,  
Reslituit nobis proprio qui funere vitam ,  
Agni rogat Vicarius .  
Ventorum ut rabiem excutiant , pelagique procellas ,  
Ictusque frangant fulminum ,  
Ut Stygios nostris pellant à sedibus hostes ,  
Vt fœda tergant crimina ,  
Cunctantem educant utero de sospite fœtum ,  
Matri dolores abrogent .

Flammrum extinguant incendia dira , bonisque  
 Opes honoris augeant ;  
 Preterea mortis horrenda pericula tollant ,  
 Mortis repente concitae,  
 Sit victor quisquis pugnans dat laudis honores  
 Agnis nouellis debitos ,  
 Exorent nobis dinini numinis auram  
 Opis sequestres celitum ,  
 Omnia sunt votis nostris , atque omnia possint  
 Culti fidei spiritus ;  
 Ut sunt in se ipsis pars totum quilibet ; utque est  
 Totum illud absque partibus ,  
 Hæc rogar , S' sanctis undis simul abluit agnos  
 Pastor gregis mortalium .

Hæc porrò omnia ita esse procul dubio ab  
 omnibus, pījs credenda sunt. Quid autem non  
 potest fides , si tamen cum fide accipient , &  
 tanquam Deo dignum munus venerentur ?



COROL-